

立轉典田契字人溪埔庄郭和覓有自己明典得張角覓兄弟水田壹所坐落土名在下  
大安面前東西南北四至俱各登載在上手契字內明白歷年應納大租粟叁斗正併帶  
大安溪圳水通流灌溉充足今因乏銀費用愿將此田轉典先盡問房親叔兄弟侄人等  
不欲承受外托中引就與大甲新庄街莊振勝號前來出首承典當日全中三面言議時  
出佛面銀壹佰大員正其銀契即日全中兩相親收足訖其田隨即照界踏明付銀主前  
去起耕掌管招佃耕作收租納課以抵銀利不敢阻當異言生端滋事保此田係是和明  
典已業與房親人等無干並無重張典掛他人財物亦無拖欠大租又無來歷交加不明  
等情為碍如有不明和出首一力抵當不干銀主之事其田不限年月付前典備足契面  
銀齊足送還取回原契字如銀未還依舊銀主掌管二比不得刁難此係三面言議仁義  
交關二比甘愿各無反悔口恐無憑合立轉典契字壹紙并繳上手契字四紙連典契字  
壹紙合共陸紙付執存炤

即日全中收過轉典契字內佛銀壹佰大員正完足再炤

兩

代書人郭瑞發 (花押)

契

為中人郭梓儒 (花押)

和

知見人妻莊氏 (花押)



道光 貳拾壹年 拾貳月 日 立轉典田契字人郭和(花押)